

आकाशवाणी

खबरां ----

- 1 पेरिस च पैरालंपिक खेड़ें च भारत नै अज्ज 4 मैल अपने नास कीते जिंदे च इक सुन्ने, इक चांदी ते दो कैह दे मैल शामिल न।
- 2 प्रधानमंत्री नरेंद्र मोदी होरें आखेआ जे भारत दा फिनटेक सैक्टर वैश्विक स्तर पर लोकें दी जिंदगी गी सखल्ला बनाने जा'रदा ऐ।
- 3 प्रधानमंत्री मोदी होरें महाराष्ट्र दे पालघर जिले च वध्वन बंदरगाह दा नीह पत्थर रखेआ।
- 4 प्रधानमंत्री होर कल जिला न्यायपालिका दे राष्ट्री सम्मेलन दा उद्घाटन करडन।
- 5 उपराष्ट्रपति जगदीप धनखड़ होरें आखेआ ऐ जे भारत उन्ना चिर विकसित भारत राष्ट्र नेई बनी सकदा जिन्ना चिर इसदी तरक्की च महिलाएं दी शमूलियत नेई ऐ।

<><><><><><>

Paralolympics

पेरिस च होआ रदिएं पैरालंपिक्स खेड्एँ च भारत नै अज्ज 4 मे॰ल हासिल कीते जिंदे च 1 सुन्ने दा, 1 चांदी दा ते 1 कैंह दे तकमें न। भारत दी अवनी लेखरा नै महिलाएं दी 10 मीटर एयर रफल मुकाबले च 249 अशारिया 7 अंक लेइयै सुन्ने दा तकमा अपने नां कीता। जिसलै के मोना अग्रवाल नै 228 अशारिया 7 अंक कठेरियै कैंह दा तकमा हासिल कीता। अवनी नै 2020 च टोक्यो पैरालंपिक्स च दो मे॰ल लैते हे ते ओह् खेड्ढें दे इक्कै सत्र च 2 मे॰ल लैने आहली पैहली महिला ख॰ारी बनी गई ही। निशानेबाज मनीष नरवल नै 10 मीटर एयर पिस्तौल च चांदी दा तकमा जितया। इसलै सुहाक यथीराज अपना दुआ ग्रुप-ए बै॰मिंटन मैच जितियै सेमीफाइनल च पुज्जी गेदे न। उनें दक्खन कोरिया दे Kyun Hwan Shin गी सिद्धे सेटें च हराया।

<><><><><><>

PM-Avni

प्रधानमंत्री नरेंद्र मोदी होरें भारतीय निशानेबाज अवनि लेखारा होरें गी आर-2 महिलाएं दी 10 मीटर एयर राइफल SH 1 प्रतियोगिता च

सुन्ने दा तगमा जितने लेई मुबारकबाद दिती ऐ। अपने इक सोशल मीडिया पोस्ट च मोदी होरें आखेआ जे अवनि लेखारा होरें इतिहास रचेआ ऐ। ओह पैहली भारतीय महिला न जिनें त्रै पैरालंपिक तगमे जितने न। प्रधानमंत्रीहोरें भारतीय निशानेबाज मोना अग्रवाल होरें गी आर-2 महिलाएं दी 10 मीटर एयर राइफल SH 1 प्रतियोगिता च कैह दा तगमा जितने पर मुबारकबाद दिती ऐ। उनें आखेआ जे मोना अग्रवाल दी उपलब्धि, तनदेई ते उत्कृष्टता हासिल करने लेई उंदी जिज्ञासा गी दर्शादी ऐ, ओह सराहनीय ऐ। उनें आखेआ जे भारत गी उंदे पर मान ऐ।

<><><><><><>

Mumbai-PM Fintech

प्रधानमंत्री नरेंद्र मोदी होरें आखेआ जे भारत दा फिनटेक दुनिया भरै दे लोकें दा जीवन सैहल बनाने लेई कम्म करा'रदा ऐ। मुम्बई च वैश्विक फिनटेक सम्मेलन-2024 गी संबोधित करदे होई प्रधानमंत्री होरें आखेआ जे भारत आस्सेया फिनटेक गी अपनाना रफ्तार ते मानदणें दे स्हाबें दुनिया च बेजोड़ ऐ। दुनिया भरै दे तत्काल डिजिटल लेन-देन भारत च होआ रदे न। प्रधानमंत्री होरें आखेआ जे वित्तीय सेवाएं दे लोकवादीकरण च फिनटेक नै महत्वै आली भूमिका नभाई ऐ।

उनें आखेआ जे डिजिटल तैन-देन कन्नै कन्नोकन्नी चला'रदी पैरेलल अर्थ बवस्था दी कवैथ खत्म करने ते बैंकिंग च मदाद थहोई ऐ। प्रधानमंत्री होरें आखेआ जे भारत च फिनटेक कन्नै जेड़े बदलाव आए न, ओह प्रौद्योगिकी तकर गे सीमित नेई ऐन। उनें आखेआ जे उनें बदलावें दा समाज पर पवा'रदा प्रभाव लम्में असें तकर असरदार रौहग। प्रधानमंत्री होरें मुम्बई च जीएसएफ नुमैश दा बी दौरा लाया जेदे च फिनटेक परिदृश्य दियां नमियां काङ्गां दर्शाई गेदियां न। इस मौके पर रिजर्व बैंक दे गवर्नर शक्तिकांत दास होरें आखेआ जे भारत अज्ज बदलाव दे नेह मुकाम पर ऐ जित्थें प्रौद्योगिकी हर नागरिक दिएं आसें-मेदें गी पूरा करने च अहं भूमिका निभाग। वैश्विक फिनटेक सम्मेलन 2024 दा आयोजन भारती भुगतान परिषद राश्ट्रीय भुगतान निगम ते फिनटेक समन्वय परिषद नै सांझे तौरा पर कीते दा ऐ। इस दौरान कांफ्रेंस च साङ्गे 350 सत्र लाए जाडन जिंदे च भारत ते बदेशें दे कोई 800 वक्ता संबोधित करडन। वक्ताएं च नीति निर्माता, सीनियर बैंकर, उद्योगपति ते बुद्धिजीवी शामिल होडन।

<><><><><><>

PM-Vadhvan Port

प्रधानमंत्री नरेंद्र मोदी होरं महाराष्ट्र दे पालघर जिले च वाढवण बंदरगाह दा नीह पत्थर रखेआ। उनें बक्ख-बक्ख मच्छी पालन प्रोजेक्टें दा बी उद्घाटन कीता। श्री मोदी होरें मछुआरें गी ट्रांपोंर ते करसान क्रेडिट कार्ड दी बां कीती। प्रधानमंत्री होरें आखेआ जे पिछले दाहके च भारत गी तटें दा बड़ा मता विकास होआ ऐ जेड़ा पैहले कदें बी नेई होआ। उनें आखेआ जे सरकार नै बंदरगाहें दे आधुनिकीकरण ते जलमार्गें दे विकास लेई करोड़ां रुपें निवेश कीते न। इस क्षेत्र च निजी निवेश बी बदेया ऐ जेदे नै युवाएं गी नमें मौके मिले न। मोदी होरें आखेआ जे अज्ज पूरी दुनिया दी नजर वाधवन बंदरगाह पर ऐ जेड़ा इस पूरे क्षेत्र दी आर्थिक तस्वीर बदली देग। उनें इस गल्लै पर जोर दिता जे अज्ज भारत दी प्रगति दे सफर च इक ऐतिहासिक दिन ऐ ते इक विकसित महाराष्ट्र इक विकसित भारत दे संकल्प दा इक अहम हिस्सा ऐ। इस प्रोजेक्ट दी लागत 76 जहार करोड़ रुपे ऐ। एहदा मबसद इक विश्व स्तरीय समुंद्री प्रवेश दुआर स्थापित करना ऐ। एह बड़ो कन्टेनर जहाजें दी आपूर्ति दे कन्नै मते बड़ो मालवाहक जहाजें गी समायोजित करियै देसा दे बपार ते आर्थिक विकास गी बढ़ावा

देग। एहदे अलावा मोदी होरें तकरीबन 364 करोड़ रपे दी लागत कन्नै जहाज संचार ते समर्थन प्रणाली दी राश्ट्रीय स्तर पर शुरूआत कीती।

<><><><><><>

PM-Vande Bharat

प्रधानमंत्री नरेंद्र मोदी होर वीणियो कांफ्रेंस राएं कल दपैहरी मगरा त्रै बंदे भारत ट्रेनें गी हरी झंपी दस्सडन। "मेक इन इण्डिया" ते आत्मनिर्भर भारत दे दृष्टिकोण गी साकार करदे होई अत्याधुनिक बंदे भारत एक्सप्रेस थमां त्रै रूटें मेरठ, लखनऊ, मदुरू बेंगलुरू ते चेन्नई नागरकोइल पर संपर्क सरिस्ते च सुधार होग। एह नमीं बंदे भारत ट्रेनां, त्रै राज्यें उत्तर प्रदेश, तमिलनाडू ते कर्नाटक च लोकें गी सफर दे विश्व स्तरीय साधन ते सुविधा प्रदान करोग। इनें वंदे भारत एक्सप्रेस ट्रेनें दी शुरूआत नियमित यात्राएं, पेशेवरें, व्यवसायिक ते विद्यार्थी समुदाय दी जरूरतें गी पूरा करने लेई रेल सेवा दे इक नमैं मानक दी शुरूआत होग।

<><><><><><>

Champai Soren-BJP

झारखण्ड दे साबका मुखमंत्री चम्पाई सोरेन अज्ज दपैहरी लै रांची दे ध्रवा मैदान च इक समारोह च भारतीय जनता पार्टी च शामिल होए।

एहदे थमां पैहले चम्पाई सोरेन होरें दस्सेया जे ओह कबिलाई पंछान ते ओहदे उत्सव दे संरक्षण लेई भारतीय जनता पार्टी च शामिल होआ करदे न जित्थे बांग्लादेश थमां राज्य च सिल परगाना खिते च “Rampant” घुसपैठ दे चलदे खतबरा बझोआ करदा ऐ।

<><><><><><>

Cabinet-Security-Charge

राजीव गौवा हुंदी रटैरमेंट मगरा अज्ज एआईएस दे सीनियर अधिकारी ऑ. टी.बी सोमनाथन होरें नमें कैबिनेट सचिव हुंदा ओहदा साम्भेया ऐ। तमिलनाडू कैर दे 1987 बैच दे एआईएस अफसर ऑ. सोमनाथन होरें केंद्र च महत्वै आहले कम्म अंजाम दिते दे न जिंदे च प्रधानमंत्री दुत्तरै च संयुक्त सचिव ते अतिरिक्त सचिव दी जिम्मेवारी शामिल ऐ।

<><><><><><>

Jitendra-Pensioners

पिंशनी होई चुके दे लोकें आस्तै प्रक्रिया गी सौकखा ते सरल बनाने दे इक उपा दे तौर पर सरकार नै एकल सरल पेंशन आवेदन पत्र जारी कीता ते भविष्य पोर्टल दा e-HRMS दे कन्नै डिजिटल एकीकरण

कीता। इनें जत्नें दी शुरुआत कार्मिक, लोक शकैत ते पेंशन सरबन्धी मामलें दे राज्यमंत्री ँॉ. जतिंद्र सिंह होरें नमीं दिल्ली च वीणियो कांफ्रेंसिंग दे राएं कीती। इस मौके पर बोलदे होई ँॉ. जतिंद्र सिंह होरें आखेआ जे सरकार जीवन गी सरल ते सखल्ला बनाने आस्तै बचनबद्ध ऐ। उनें आखेआ जे e-HRMS दे कन्नै भविक्ख च णिजिटल एकीकरण कन्नै इनें लोकें गी मदद थोग। कार्मिक ते सिखलाई सरबन्धी मैहकमे दे सचिव विवेक जोशी होरें मानव संसाधन प्रबंधन गी बदाने आस्तै इनें उपाएं गी मील दा पत्थर दस्सेया। मैहकमे दे सचिव वी. श्रीनिवास होरें आखेआ जे e-HRMS कन्नै भविक्ख दे एकीकरण कन्नै पेंशनभोगिएं आस्सेया पेंशन आवेदन दी असल समें पर ट्रैकिंग मुमकिन होई सकोग।



PM-Judiciary

प्रधानमंत्री नरेंद्र मोदी होरें कल नमीं दिल्ली च भारत मंणम च बड्णलै जिला न्यायपालिका दी राश्ट्रीय कांफ्रेंस दा उद्घाटन करडन। इस मौके पर प्रधानमंत्री होर सुप्रीम कोर्ट दे 75 बरे होने दे चेते च इक णाक टिकट ते सिक्का जारी करडन। सुप्रीम कोर्ट आस्सेया आयोजित दऊं रोजा कांफ्रेंस च जिला न्यायपालिका मुद्दे पर 5 सत्रें दे

अलावा ढांचे, समावेशी कोर्ट रूम, न्यायपालिका दी सुरक्षा मामलें दा प्रबंधन ते प्रशिक्षण बी शामिल ऐ। मुख न्यायधीश, कनून ते न्या दे केंद्री मंत्री ते अटॉर्नी जनरल होर बी इस उद्घाटनी समारोह च शिरकत करडन।



VP-Women

उपराष्ट्रपति जगदीप धनखड़ होरें आखेआ जे जेकर महिएं दी हिस्सेदारी नेई होग तां मुख्य विकसित मुख्य नेई बनी सकदा। ओह दिल्ली युनिवर्सिटी दे भारती कालेज च विकसित भारत च महिलाएं दी शमूलियत विशे पर आयोजित इक सत्र गी संबोधित करा रदे हे। धनखड़ होरें आखेआ जे विकसित भारत दे निर्माण च महिलाएं दी महत्वै आली भूमिका ऐ। उनें कोलकाता दुष्कर्म ते हत्या आली घटना पर दुख जाहिर करदे होई आखेआ जे जित्थे महिलाएं ते कुड़ियां सुरक्षित महसूस नेई करदियां ओह समाज सभ्य समाज नेई ऐ। उनें आखेआ जे भारत इक परिपक्व ते औपचारिक अर्थ बवस्था बनने दी दिशा च तेजी कन्नै अगगे बदा रदा ऐ। उपराष्ट्रपति होरें आखेआ जे शौचालय युक्त घर, रसोई गैस कनेक्शन, नलके राएं पीने आला पानी जनेइयां बुनियादी सुविधाएं कन्नै लोकें दे जीवन च सुधार होआ ऐ।



Jaishankar

विदेश मंत्री ाँ एस जयशंकर होरें आखेआ ऐ जे हून पाकिस्तान कन्नै गल्लबात करने दा समां नेई रेया ऐ। अज्ज नमीं दिल्ली च इक कताबै दे विमोचन दे मौके पर विदेश मंत्री होरें आखेआ जे पाकिस्तान दे संदर्भ च भारत पूरी चाल्ली सोहगा ऐ ते नमीं दिल्ली च हर कार्यवाही दी प्रक्रिया देग, मगरा घटनाक्रम भारमें खराब होवे भारमें माढ़ा। बांग्लादेश दे बारे च उनें आखेआ जे गोआंणी मुखे दे सियासी बदलावें दे चलदे भारत गी अपने हितें बल ध्यान देना होग। मालद्वीप कन्नै भारत दे सरबंधें पर उनें आखेआ जे मालद्वीप गी लेइयै भारत दा दृष्टिकोण तोआर चढ़ा रेया। अफगानिस्तान कन्नै भारत दे सरबंधें दा जिक्र करदे होई ाक्टर जयशंकर होरें आखेआ जे समाजी सतह पर लोके-लोके बशकार सरबन्ध मजबूत न ते अफगान नीति दी समीक्षा मगरा भारत अपने हितें लेई सोहगा ऐ। उनें एह बी आखेआ जे हर मुखे गी अपने गोआंणी मुखे कन्नै चुनौतिएं दा सामना करना पौंदा ऐ।



India-China LAC

भारत ते चीन नै बन्ने आले इलाकें च जमीनी स्तर पर शांति बनाई रखने दा फैसला कीता ऐ। दौनों देशें दोहराया ऐ जे असल कब्जा रेखा दा मान दवखया सरबंधें च सामान्य स्थिति दी बहाली लेई जरूरी ऐ। भारत-चीन बन्ने आले मामले पर सलाह-सूत्र ते आपसी तालमेल सरबन्धी कार्य तंत्र दी 31मीं बैठक कल बीजिंग च आयोजित कीती गई। विदेश मंत्रालय मुजब दौनों पक्खें मतभेद घट्ट करने ते बकाया पेदे मामलें दा तौले शा तौले नबेड़ा करने लेई असल कब्जा रेखा दी स्थिति पर रचनात्मक गल्लकत्थ कीती।

<><><><><><>

Public-Sector Auditing

भारत ते साउदी अरब सार्वजनिक क्षेत्र दी लेखा परीक्षा दे क्षेत्र च इक आपसी सहयोग बदाने लेई इक महत्वै आली गैह पुट्टदे होई अज्ज रियाद च इक समझौता पत्र पर दस्तखत कीते। इस समझौते पर भारत दे नियंत्रक ते महालेखक परीक्षक गिरीश चंद्र मुर्म ते साउदी जनरल कोर्ट ऑफ आडिट दे अध्यक्ष डॉ. हुसैम अल अंगारी होरें दस्तखत कीते। साउदी अरब च भारत दे राजदूत डाक्टर सुहेल खान बी इस मौके पर मौजूद हे। इस समझौते कन्नै दौनों मुखे दे शीर्ष लेखा परीक्षण संसाधनं बश्कार पैहले थमां निग्गे सरबन्धें गी होर

परवान चाढ़ेया जाई सकोग ते ओहदे च होर मता नेइमापन ओग। एह समझौता नेय समें पर होआ रदा ऐ जिल्ले साउदी अरब अगले बरे भारत थमां एशियन आर्गेनाइजेशन ऑफ सुप्रीम आडिट इंस्टीच्यूट दी अध्यक्षता ग्रहण करोग। भारतीय प्रतिनिधिमंडल गी साउदी अरब दे नकदी थमां एक्रूल लेखा च बदलाव ते साउदी अरब दी पेशेवर क्षमता निर्माण सरबंधी पैहलकदमिएं बारै बी जानकारी दिती गई। इस समझौते पर दस्तखत कन्नै भारत दे नियंत्रक ते महालेखा परीक्षक ते साउदी जनरल कोर्ट ऑफ आडिट बश्कार पैहले थमां गै नजदीकी कम्मकाजी रिश्तें गी मता निगगर करने दी मेद ऐ। एह समझौता पत्र भारत ते साउदी अरब बश्कार बदधी सांझेदारी च इक होर मील दा पत्थर ऐ जेड़ा सार्वजनिक क्षेत्र दे संचालन च शासन ते जवाबदेही गी बदाने लेई उंदे धेइये गी दर्शादा ऐ।

<><><><><><>

IMD

मौसम विभाग नै अगले 2 थ्वां त्रै दिनें च ओपिशा तटीय आंध्र प्रदेश, छत्तीसगढ़, विदर्भ ते तेलंगाना च भारी बरखा होने दी पेशनगोई कीती ऐ। कल्लै तगर गुजरात ते विदर्भ दे किश हिस्सें च बी बरखा होई सकदी ऐ।